

մնում է առուակի ձախ կողմը բարձունքի վրայ հիւսիսային կողմում, միանում է Ախգալի առուին, որ ոռոգում է՝ Ուրգուլա, Թէջէֆի, Գիւմիւշ-հանէ, Գիւսխանէ, Բոսելտ, Շագիրա, Արկի, Կաշուխտի, Արկիւմ, Ագարա եւ Կշլա գեղերը, մացրաները եւ Ախգա ամրոցը: Շագիրա առուն ոռոգում է Խարխուլը (երեւի ժամանակին Խարխաւից եկուոր բնակիչներ է ունեցել): Արդանուչի բերդից, աւանի բէդէնից (պարսպից) ջուկ, այլ եւ այլ աւերակ եւ բնակ գեղերում տասից աւելի ամրոցներ կան, որոնք, բոլորն էլ գղեակների եւ ապարանքների աւերակները ներկայացնում են քննող աչքերին:

Կուրգեւման լեռներից բղխում է Չխակաթիլսեւի առուակը, որ ուղղակի թափւում է ձախից Շաւչէտի վտակը, ոռոգում է Բարիւ, Կարսիա, Ուստամել, Սուխաֆա, Կոնտրում, Գոքոշէտ, Վ. Պետրոքան, Սամխար, Ուկիմ, Ն. Պետրոքան, Գոդատի, Նորգիէլ եւ Խոգարարտ¹ առուակները, որոնք ոռոգում են համանուն գեղերը իրենց պարագաներով: Սակալ-Դիզան լից իջնում է Սամի-ծխալի առուակը եւ խառնւում է Շաւչէտի վտակին, որը ոռոգում է Գոքիխոցիա, Անակերտ, Արչիետի, Անչ-Մ.,

¹ Խոգարարտայի մօտ մինչեւ օրս կանգնած են տաճարի որմեր, վանքի աւերակներ, որոնք մի ժամանակ զարդարած էին Շաւչէտի ակը: Կան բազմաթիւ ամրոցների, տաճարների եւ վանքերի աւերակներ, գերեզմանոցներ, որոնք միայն անցեալի փլուանդն են ցոյց տալիս: